

Transkript konferencije za medije međunarodnih organizacija



OHR, Oleg Milišić

EUFOR, Niel Mathieson

OHR

Pozdravljene početne aktivnosti u Ministarstvu sigurnosti BiH

Visoki predstavnik i specijalni predstavnik, Miroslav Lajčak, pozdravio je danas niz početnih aktivnosti u Ministarstvu sigurnosti Bosne i Hercegovine.

U pismu koje je uputio ministru Tariku Sadoviću, visoki predstavnik/specijalni predstavnik EU pozvao je ministra da osigura da napredak koji je ostvaren u posljednje dvije sedmice bude održan.

Tarik Sadović, kao nadležni ministar, sada kroz zakonodavni proces mora odbraniti novi Zakon o boravku i kretanju stranaca i azilu, te izmjene i dopune na Zakon o službi za poslove sa strancima.

Visoki predstavnik i specijalni predstavnik EU je danas također pozdravio korake koje je poduzelo Ministarstvo sigurnosti kako bi ubrzalo administrativne procedure te

unaprijedilo efikasnost Ministarstva.

“Princip partnerstva između međunarodne zajednice i vašeg Ministarstva treba da bude zasnovan na unapređenju vladavine zakona; započeli ste u pravom smjeru,» izjavio je visoki predstavnik/specijalni predstavnik EU.

Visoki predstavnik/specijalni predstavnik EU se 20. jula 2007.god. sastao sa ministrom sigurnosti BiH kako bi iskazao svoju zabrinutost zbog dešavanja u ovom Ministarstvu. Visoki predstavnik/specijalni predstavnik EU je tom prilikom izjavio da je od suštinskog značaja da Ministarstvo uživa puno povjerenje svih koji žive u Bosni i Hercegovini.

Visoki predstavnik/specijalni predstavnik EU u Trebinju

Visoki predstavnik i specijalni predstavnik EU Miroslav Lajčák je danas u Trebinju.

U ovom trenutku je na sastanku sa šefom Centra javne bezbjednosti Trebinje Goranom Zupcem i komandirima jedinice Granične policije BiH u Trebinju Radoslavom Čičkovićem.

Tokom poslijepodneva sastat će se sa vladikom Grigorijem i imamom Huseinom Hodžićem, a nakon toga će učestvovati u javnoj debati sa predstavnicima lokalnih nevladinih organizacija, udruženja građana i poduzetnika.

Na kraju posjete Trebinju, visoki predstavnik i specijalni predstavnik EU će dati intervju za Radio Korona, tokom kojeg će odgovarati na pitanja slušalaca.

OHR/EUSR Pres-ured vam stoji na raspolaganju za detalje u vezi ove posjete.

EUFOR

Nije bilo izjave.